



Broj: 04/4-05-479/07
Sarajevo, 13.11.2007. godine

**KOLEGIJU OBA DOMA PARLAMENTARNE SKUPŠTINE BIH
ČLANU DELEGACIJE PSBiH U PSCEI**

**Predmet: Izvještaj sa sastanka Općeg komiteta za političke i unutrašnje poslove
Parlamentarne skupštine Centralnoevropske inicijative, Rim, 29. oktobar 2007. godine**

Sastanak Općeg komiteta za političke i unutrašnje poslove Parlamentarne skupštine Centralnoevropske inicijative održan je u Rimu, 29. oktobra 2007. godine.

Sastanku su prisustvovali predstavnici **Bjelorusije, Bosne i Hercegovine, Bugarske, Hrvatske, Češke Republike, Mađarske, Italije, Makedonije, Poljske, Rumunije, Slovačke Republike, Ukrajine**, te predstavnici **Izvršnog sekretarijata CEI, Ministarstva vanjskih poslova Italije i Evropske komisije**.

U ime Parlamentarne skupštine Bosne i Hercegovine, sastanku je prisustvovao Lazar Prodanović, član delegacije PSBiH u Parlamentarnoj skupštini CEI.

Sastankom je predsjedavao Maurizio Gasparri, šef italijanske delegacije u PSCEI i predsjedavajući Općeg komiteta za političke i unutrašnje poslove PSCEI.

Glavne teme sastanka:

- ***Uloga Centralnoevropske inicijative u politici saradnje EU sa zemljama centralne i istočne Evrope***
- ***Izgleđi za ponovno pokretanje Centralnoevropske inicijative***

Učesnici sastanka iskazali su nedvosmisleni podršku rastućoj ulozi općih komiteta Parlamentarne skupštine Centralnoevropske inicijative, pozdravljajući dosadašnji tok uspješnog predsjedavanja Bugarske Centralnoevropskom inicijativom u okviru kojeg je došlo do značajnog intenziviranja aktivnosti Centralnoevropske inicijative.

Povodom ponovnog pokretanja Centralnoevropske inicijative, učesnici sastanka razmatrali su zaključke i preporuke radne grupe za repozicioniranje CEI koja je uspostavljena slijedom odluka šefova vlada donijetih u Tirani 2006. godine. Pozdravljen je napredak koji je radna grupa postigla radeći kao nezavisno tijelo čiji stavovi ne odražavaju stavove vlada pojedinih članova Grupe, već isključivo njihova lična uvjerenja zasnovana na znanju i sistematskim analizama Centralnoevropske inicijative prema različitim parametrima. Grupa se posvetila traženju odgovora na dva pitanja:

- Koje su mjere potrebne kako bi se CEI uskladio s promjenjivim regionalnim okruženjem u smislu radnih struktura i operativnih aktivnosti?

- Koje su mjere potrebne kako bi se osigurao kontinuirani značaj CEI u regionalnoj saradnji?

Radna grupa za repositioniranje CEI vodila se principom izvodivosti, te se umjesto idealima bavila onim što može biti realno postignuto uzimajući u obzir regionalni kontekst i odnos s Evropskom unijom koji predstavljaju dva ključna faktora za budućnost okvirnih uslova pod kojima će CEI djelovati.

S tim u vezi, Radna grupa donijela je sljedeće preporuke koje su dobile podršku učesnika sastanka Općeg komiteta za političke poslove:

- potrebno je naglasiti prednosti saradnje između zemalja članica CEI nezavisno o njihovom članstvu u EU,
- potrebno je održavati politički dijalog unutar CEI putem redovnih sastanaka šefova vlada, ministara vanjskih poslova, sastanaka političkih direktora i drugih sastanaka na visokom nivou, uključujući i parlamentarnu dimenziju,
- potrebno je jačanje operativnih aktivnosti CEI čiji je osnovni cilj pronaći što bolji način za iskorištavanje potencijala CEI (jedinствeno članstvo, know-how i iskustvo, umrežavanje, stalni sekretarijat i institucionalna memorija) s ciljem promoviranja kohezije regiona CEI,
- potrebno je ograničiti oblasti aktivnosti CEI na: održivu upotrebu energije, razvoj poduzetništva, razvoj ljudskih resursa, informatičko društvo i medije, međukulturalnu saradnju, transport, nauku i tehnologiju i održivu poljoprivredu
- potrebno je riješiti pitanje finansijskih zahtjeva CEI putem ravnopravnog učešća zemalja članica kako bi se ispravila situacija u kojoj se CEI najvećim dijelom finansijski oslanja na Italiju koja osigurava oko 1,5 miliona eura,
- potrebno je raditi na strukturiranoj saradnji sa EU s ciljem da Evropska komisija postane posmatrač u CEI, te da se osiguraju godišnji bilateralni sastanci kako bi se raspravljalo o saradnji, te je potrebno uložiti dodatne napore da se poveća broj projekata u kojima CEI predstavlja partnera ili vodećeg partnera EU,
- potrebno je osigurati konstantnu komunikaciju i razmjenu praktičnih informacija s različitim regionalnim organizacijama i institucijama, a posebno s Regionalnim vijećem za saradnju, SEECP-om i Jadransko-jonskom inicijativom.

Od izlaganja treba posebno izdvojiti:

- *Izlaganje Alessandra Forlanija, člana delegacije Italije u PSCEI, Gosp. Forlani istakao je da je reforma CEI diktirana novijim događajima kao što su širenje Evropske unije i otvaranje Regionalnog vijeća za saradnju sa sjedištem u Sarajevu. S jedne strane, stoje zemlje EU koje se prilagođavaju Uniji različitim brzinom i nalaze se na različitim stepenu razvoja, a s druge strane susrećemo se sa situacijama gdje zvuci stabilnosti nisu najglasniji kao što je slučaj u BiH, gdje se, prema riječima gosp. Forlanija, javlja problem etničke koegzistencije i ustavnog uređenja nastalog u Dejtonu. Prema mišljenju člana italijanske delegacije, ključna uloga CEI je upravo u bavljenju tim pitanjima.*

- *Izlaganje Milorada Pupovca, šefa delegacije Hrvatske u PSCEI Milorad Pupovac iznio je stav da je parlamentarna dimenzija saradnje u sjeni, te da je potrebno naći načina da se njena uloga pojača, i unutar CEI i unutar Evropske unije. Pozdravio je osnivanje Regionalnog vijeća za saradnju u Sarajevu i istakao doprinos Hrvatske čiji je predstavnik izabran za sekretara Vijeća. Pupovac se osvrnuo i na problem Kosova označivši ga kao pitanje koje se nalazi u samom vrhu međunarodnih prioriteta, te je iznio mišljenje da bi svako jednostrano rješenje tog pitanja predstavljalo problem za regiju izazivajući moguću štetu razvoju demokratskih institucija u Srbiji, rješenju ustavnog pitanja u BiH i međuetničkim pitanjima u Makedoniji.*

Umjesto završnog dokumenta, sastanak je rezultirao kratkom preporukom koja će biti upućena na godišnje zasjedanje Parlamentarne skupštine CEI (Sofija, od 20.do 22. novembra 2007.), čiji je naglasak na pozivanju na uspostavu formalnog kontakta koji bi predstavljao aktivnosti i ciljeve Centralnoevropske inicijative unutar Evropske komisije.

Izveštaj pripremila:

Edina Hrnjić

sekretar Delegacije PSBiH u PSCEI

Izveštaj odobrio:

Lazar Prodanović

član Delegacije

Kopija: Kolegiju Sekretarijata, sekretarima Komisije za vanjske poslove Predstavničkog doma PSBiH i Komisije za vanjsku i trgovinsku politiku, carine, saobraćaj i komunikacije Doma naroda PSBiH